



# Synfocity = 454

5<sup>th</sup> September, 2013

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

## □ SEC Vawi 246-na

September 3 & 4 khan Synod Office-a Lloyd Hall-ah Synod Executive Committee vawi 246-na a thu a, tun tum meeting hi thu dah pawimawh bik bawhzui tura a bika koh, Special Committee a ni. Committee hi Rev. Lalramliana Pachuau, Synod Moderator-in a kaihrui a, member 130 an kal a ni.

Rev. H. Lalrinmawia, Synod Secretary-in Committee hun inkara rawngbawlna pawimawh awmte a report a, Committee hrang hranga thu bawhzui tih fel tawhte tar langin ATC-ah 7.6.2013 khan Doctoral Study Centre hawn a nih thu te, 21-23.6.2013 chungin Bethlehem Kohhranah ram pum huap Pavalai Meet vawi khatna neih a nih thu te, 15-18.8.2013-ah Chawlhmun Kohhranah Missionary Retreat neih a nih thu te, 20.8.2013-ah Synod thu bawhzui Hlamzuih chungchanga inrawnkhawmna OM-in a buatsaih thu te, Kolkata Medica Superspeciality nen thawhhona thuthlung siam a nih thu te, June - August thla chungin chhawmdawlna mamawhtu mi 12 hnenah Synod Relief atangin sum Rs.17,84,000 (Nuai 17 sing 8 sang 4) sem chhuah a nih thu te leh Synod media rawngbawlna Hruaina Eng TV 24x7 programme chu 30.8.2013 zana hlan a nih thu te member-te a hriattir.

He Committee hian thu pawimawh bawhzui tur 44 zet a nei a, chung zingah chuan Synod Calendar pawmna leh Chanchin Tha thlen Ni March ni 15 chungchang te, Pay Commission thu te, Mission Board hnuai a Pro. Pastor-te hlawh chungchang te, Synod Higher Secondary School-a zirlai tam zawk dah dan tur te, Synod Pension Dan thar 2013 te, Chhim Bial enkawl dan enthat te, Hlamzuih tibo zawnga kawng zawng thu te, Synod Administrative Set Up leh Management en that te, India ram khawpui liana Pastor dah chungchang te, Kristian Thalai Pawl Inhruaina Dan enthat te, Presbyterian Church in America zirchianna thlir ho te, kum 2013 MLA Inthlan thuchah thlir ho te, John William Hospital staff awm zat tur ruahmanna ennawn te, kum 2016 Nilai leh beihruai Thupui leh Synod Working Committee siam dan tur te chu a langsar zual an ni.

## □ Hruaina Eng TV 24x7 programme hlanna

Synod TV Programme 'HRUAINA ENG' chu nileng zankhuua en theih turin 24x7 Programme chu August 30 (Zirtawpni) zan dar 8 p.m. khan Pi Zaii Hall, Synod Conference Centre, Mission Veng-ah Synod Moderator Rev. Lalramliana Pachuau-in a hlan.

He Hlanna Programme hi Rev. Lalzuithanga, Executive Secretary i/c SYNFO chuan kaihruiin hunserh a hmanga - Zaipawl Synod Choir, Chaltlang Bial Zaipawl leh Mission Vengthlang Bial Zaipawl atanga ngaihthlak niin, Andrew Laltlankima leh Laldusaki te malzai(solo) ngaihthlak a ni bawk.

Pu Robert S. Halliday, Coordinator i/c SYNFO hnen atangin Hruaina Eng lo pian dan leh hmasawn chhoh dan ngaihthlak a ni a, Rev. C. Lalhlira, Synfo Committee Member-in Lawmthu Sawina hun a hmanga, Rev. Vanlalzuata, Senior Executive Secretary-in malsawmnain min tin a ni.

Heta tel tur hian Synod Puipate, khawpui chung SEC member te, Khawpui chung Pastor te, AIR, Doordarshan, LPS & ZONET, MJA Office Bearers, Synod hnuai a Department & Sub-Department Head leh CKTP & Central Kohhran Hmeichhe Committee Members te sawm an ni a, mi 150 vel an tel thei a ni.

'Hruaina Eng' hming hian The Mizoram Firms & Societies hnuai a 31.7.2013 khan Society Registration hmuh fel a ni a, Registration No.MSR.547 pek a ni.

## □ PWF Consultation

September 4 & 5 hian Aizawla Chanmari Kohhran Biak Inah Presbyterian Women Fellowship (PWF) chuan "Discipleship of Equals- A Call towards Partnership" tih thupui hmangin Consultation programme an hmang mek a. He programme hi PWF leh Women Studies Department, United Theological College & Commission on Tribal and Adivasis, NCCI tang kawpin a buatsaih, Mizorasm Presbyterian Kohhran Hmeichhia Central Committee-in a thlen a ni.

Nimin (Sept. 4) chawhma dar 10-ah hawmna hun hman a ni a, Pi K. Lalliantluangi, Chairperson, PWF-in a kaihrui a, inlawmna leh Keynote Address te ngaihthlak a ni. Chawhma dar 11-ah Session 1-na tan a ni a, Pi L. Muani Darnei, Biateram Synod-in a kaihrui a, Isua rawngbawlna intluktlanna chungchang paper Dr. Lalrinawmi Ralte, UTC, Bangalore buatsaih zirho a ni. Chawhnu dar 1:00-ah Session hnihna neih leh a ni a, Thawkho tura kohna chungchang paper Dr. Hrangthanchhungi, Executive Secretary, Commission on Tribal & Adicasis NCCI buatsaih zir ho a ni.

Vawiin (Sept. 5) hian session li a awm ang a, Dr. Lalngakthuami, ATC, Dr. Lalrindiki Ralte, ATC leh Pi Zohmangaihi te paper zir ho leh a ni ang a, tlai lam dar 2-3 inkarah programme kharna hun hman a ni ang.

## □ Synod Finance Committee Vawi 106-na

Vawiin (Sept. 5) khan Synod Office-a Committee Room No.II-ah Synod Finance Committee a thu a. member 51-ah 40 an kal. Committee hi Rev. Lalramliana Pachuau, Synod Moderator-in a kaihrui a, Secretary Reports leh Finance Officer reports ngaihthlak a ni.

He Committee hian Presbyterian Kohhran chungkuaten Pathianram thilpek an pek dan kaihruiaina, ke hrang hranga then a nih dan te thlirin an zir ho va. Nursing School tana budget head hran siam chungchang te, John Williams Hospital 2013-14 budget-a sum awm cheng nuai 50 hman dilna te, Synod-in account a neihna bank thenkhata account khar rawtna te, Synod Hospital-a Private Ward leh Nursing Hostel sakna atana cheng nuai 232 leh sing nga dilna chungchang te leh thil pawimawh dangte an rel a ni.

April atanga August thla chungin Pastoral-ah cheng nuai 2547 singkhat sangruk sawmhni leh paruk hmuh tawh a ni a, chu chu budget pum pui atangin za zela 39.14 a ni. Mission lamah cheng nuai 2045 sangruk zasarih sawmruk leh pakhat hmuh tawh a ni a, chu chu budget pum pui atangin za zela 44.52 a ni. A pum puiah April-August thla chungin cheng nuai 4592 singhni sanghni zasarih sawmriat leh pasarih hmuh tawh a ni a, chu chu budget pumpui atangin za zela 41.36 a ni.

## □ Zin

♦ September 6 (Zirtawpni) chawhnu dar 2:00 hian Chhim Area Committee, Lungleiah neih a ni dawn a, heta tel tur hian Rev. Lalramliana Pachuau, Synod Moderator; Rev. H. Lalrinmawia, Synod Secretary; Rev. Vanlalzuata, Senior Executive Secretary; Rev. Lalchuanmawia, SMB Secretary; Rev. Lalbiakvulmawia, Committee Member leh Upa Denghmingthanga, Committee Member te an kal ang.

Contd...

- ♦ September 9 - 11 chung hian Barak Area Committee, Silchar-a tel turin Rev. Lalramliana Pachuau, Synod Moderator; Rev. H. Lalrinmawia, Synod Secretary; Rev. Vanlalzuata, Senior Executive Secretary; Rev. P.C. Pachhunga, Executive Secretary i/c Mission; Rev. Lalchuanmawia, SMB Secretary; Rev. C. Vanlalhruaia, Rev. Zosangliana Colney, Rev. C. Lalsangliana leh Upa F. Lalfakzuala (Committee Members) te an kal ang.
  - ♦ September 4 & 5 hian Bilkhawthlir Presbyterian English School Building thar hawng turin Upa D.P. Biakkhuma, Supervisor of Schools a kal a, Tv. Albert Lalremsanga, Synfo in a tawiawm a ni.
- ☐ **Revival**  
September 7 & 8 hian Chhiphir Kohhranah Kristian Chungkaw Campaign neih a ni dawn a, hemi neihpui tur hian Rev. R. Lalchlangliana, Synod Revival Director a kal ang.
- ☐ **Synod Social Front**  
September 7 (Inrinni) hian Aibawk Kohhranah Political Education Seminar neih a ni dawn a, hemi neihpui tur hian Dr. Robert S. Halliday, Superintendent, Synod Office leh Upa Rochungnunga, Campaigner te an kal ang.
- ☐ **Hruaina Eng FM Radio & TV Programme**
- ♦ **SEPTEMBER 6 (FM Zoawi Aizawl @ 7:30 p.m.) :**  
**Solo :** Laldusaki - Van ruahtui, **Choir :** Theiriast Pastor Bial Zaipawl - I Khawngaihna, **Thuchah :** Upa Bonny Lalrindika - Kristianna leh Politics, **Solo :** Nancy Zothanmawii - Rorelna Dik, **Choir :** Armed Veng Kohhran Zaipawl - Buaina Khawvel, **Solo :** Rintea - Tunge
  - ♦ **SEPTEMBER 6 (FM Lunglei @ 7:30 p.m.) :**  
**Solo :** Laldusaki - Van ruahtui, Synod News, **Choir :** Theiriast Pastor Bial Zaipawl - I Khawngaihna, **Thuchah :** Upa Bonny Lalrindika - Kristianna leh Politics, **Solo :** Nancy Zothanmawii - Rorelna Dik, **Choir :** Armed Veng Kohhran Zaipawl - Buaina Khawvel, **Solo :** Rintea - Tunge
  - ♦ **SEPTEMBER 8 (TV Programme @ 3:00 p.m.) :**  
**Zaipawl :** Dawrpui Vengthar Bial Zaipawl - Min hmang ang che, **Round Up :** August thla, **Group :** Living Faith - Chatuan Lungpui, **Seminar :** Naupang Kaihruaina
- ☐ **Susamachar Prasaran Programme**  
**SEPTEMBER 8 (Pathianni) 5:00 pm. Hindi Gospel Programme (Susamachar Prasaran) :**  
**Group/Choir/Solo :** Chanmari West - Yesu Mere, **Group/Choir/Solo :** Durtlang Masihi Sangati - Mere guna, **Sermon :** Zohmingthanga - Yesu me chhama, **Group/Choir/Solo :** Lunglei Area Masihi Sangati - Prabhu, **Stuti Geet :** Sare Srishti Ke Malik
- ☐ **Moderator Programme**  
Synod Moderator Rev. Lalramliana Pachuau chuan hetiang hian hun a hmang ang :
- ♦ September 5 - 7 : Chhim Area Committee, Lunglei
  - ♦ September 9 & 10 : Barak Area Committee, Silchar
  - ♦ September 11 - 13 : PCI Working Committee Meeting, Shillong

## HNA RUAU DIL THEIH

Synod Press-ah Contract basis-a thawk turin Graphic design thiam mamawh a ni a. HSLC pass chin tan dil theih a ni. Dilna chu plain paper-ah ziakin Kohhran lehkhana nen a hnuacia hming ziak hnenah hian theih theih a ni ang. Hriat turte :-

- ♦ Dil theih hun chung : September 30, 2013, 4:00 p.m. thleng
- ♦ Written & Practical Test : October 1, 2013, dar 11:00 a.m.
- ♦ Interview : October 7, 2013, dar 2:00 p.m.

**Upa R. Lalmalsawma**  
**General Manager**  
**Presbyterian Communication Department**

## NEICCWA HNARUAU

North East India Christian Council Women Assembly (NEICCWA) hnuaiah NEICCWA Secretary hna a ruak a, Mizoram Unit (Presbyterian Kohhran) atanga deputation-a kal tur duh a ni. Kan kohhrana hmeichhe theologian tan dil theih a ni. September 30, 2013 thleng dilna theih theih a ni a, October 3, 2013 dar 11:00 a.m.-ah NEICCWA Office, Shillong-ah Interview neih tur a ni. Diltute chu B.D/M.Div. chin chunglam, Christian Ministry-a experience nei, kum 25 - 50 inkar leh English thiam an ni tur a ni a, Kohhran lehkhana leh HSLC & a chunglam Marksheet leh Certificate thil tel tur a ni. Hrechiang duh tan a hnuacia address-ah hian zawh fiah theih a ni e.

**Rev. P.C. Pachhunga**  
**Executive Secretary i/c Women**

## ALLUMINIUM MISTIRI TRAINING

Synod Social Front chuan October - November 2013 chungin Alluminium Mistiri Training a buatsaih dawn a. Training-a telte hnenah thla hnih chungin stipend Rs. 1,000/- pek an ni ang. Dil duhte chuan Synod Office Social Front Department-ah dilna form la chhuakin September 20, 2013 hmain kohhran lehkhana nen theih tur a ni ang a, September 24, 2013 (Thawhlehi) 11:00 a.m. ah interview tur a ni ang.

**REV. P.C. PACHHUNGA**  
**Executive Secretary i/c Social Front**

